

郭
黃
全
集
八

郭嵩焘全集 八

史部四

日记一

咸丰五年至同治二年

岳麓書社·长沙

本册说明

郭嵩焘的日记，是郭嵩焘毕生著作的一个非常重要的组成部分，起于清咸丰五年（1855），至光绪十七年六月十二日（1891年7月17日）其去世之前一日止，首尾37年。收入《郭嵩焘全集》的日记，共分为五册。

1

郭嵩焘之子郭焯莹《郭氏佚书叙目》称：“先兵左自道光十八年入试京师，随所见闻及起居酬接，按日记之，终于卒之岁。”可知郭嵩焘一生日记，长达五十余年。光绪二年十月，郭嵩焘奉命出使英国，抵达英国伦敦后即按照总理衙门的要求，将其自光绪二年十月十七日上海启程，至同年十二月初八日抵伦敦期间51天的日记，整理成书，并加上若干议论，寄呈北京总理衙门，后由同文馆于光绪三年以《使西纪程》书名刊行。除此之外，郭嵩焘的日记，直到1980年代以前，一直未有刊行。其手稿先是珍藏于郭氏家宅，1950年代，由湖南省文物管理委员会装订成40册，由湖南图书馆收藏。1980年，湖南人民出版社委托杨坚将其整理校点，分为四册，以《郭嵩焘日记》书名出版。1984年，钟叔河主编的“走向世界丛书”，复将郭嵩焘出使英、法两国的日记，包括往返途中及回国后一段时间的日记，并与《使西纪程》刊本对校，以《郭嵩焘：伦敦与巴黎日记》书名出版。

此次收入《郭嵩焘全集》的日记，即在杨坚所整理的《郭嵩焘日记》的基础上，并参考1984年版《郭嵩焘：伦敦与巴黎日

记》，按照《湖湘文库》古籍整理的统一要求，由梁小进、马美著重新整理而成的。本次的重新整理，将原来的四册改分为五册，改正了1980年版《郭嵩焘日记》中的一些文字和标点符号的错误；并根据全书统一的体例，将郭嵩焘本人已经删除的内容，及原编者在日记正文中添加的文字，均予删除。

本册为《郭嵩焘日记》的第一册，始于清咸丰五年，止于同治二年（1863），时间跨度长达九年。其咸丰五年至八年六月底之间的日记，有若干阙漏。咸丰六年日记后所附“联语”，以不属日记内容，移入《郭嵩焘全集》的诗文集部分。本册日记中，较为详细地记述了此期间郭氏的种种经历及其政治、思想活动状况，其主要内容有：奔走江浙诸省，为曾国藩湘军筹集军饷；咸丰八、九年间入值南书房、参加僧格林沁军幕、清查山东沿海税务；同治元、二年间出任江苏苏松粮储道和两淮盐运使，整理粮政、盐政，为湘、淮军筹措粮饷，以及受命署理广东巡抚之初的政务。

作为一位中国近代的杰出洋务运动思想家和政治活动家，郭嵩焘的日记，逐日记载了他的政治社会活动，他对于时代的思考及其政治主张、读书心得、学术见解，以及社会交往、起居行踪，内容极为丰富，对于研究郭嵩焘和他的时代，具有十分珍贵的史料价值。

全书总目录

第一册 经部一

周易内传笺

周易释例

第二册 经部二

周易异同商

尚书疑义

诗疑义

乡党义

毛诗餘义

校订朱子家礼

大学章句质疑

中庸章句质疑

第三册 经部三

礼记质疑

第四册 史部一

奏稿

第五册 史部二

史记札记

湘阴郭氏家谱

罗忠节公年谱

湘军志评议

第六册 史部三

《湘阴县图志》一

第七册 史部三

《湘阴县图志》二

第八册 史部四

日记一咸丰五年至同治二年

第九册 史部四

日记二同治三年至同治十三年

第十册 史部四

日记三光绪元年至光绪四年

第十一册 史部四

日记四光绪五年至光绪九年

第十二册 史部四

日记五光绪十年至光绪十七年

第十三册 集部一

书信

第十四册 集部二

诗集

联语

文集

第十五册 集部三

文集

庄子评注

管子评注

郭嵩焘年表

目 录

日记一

咸丰五年

九月	1
十月	3
十一月	3
十二月	3

咸丰六年

正月	15
二月	27
三月	47
四月	67
五月	78
六月	82
七月	83
八月	87
附录	90

咸丰八年

七月	108
八月	121
九月	131
十月	142
十一月	153
十二月	170

咸丰九年

正月	179
二月	186
三月	198
四月	209
九月	213
十月	215
十一月	232
十二月	248

咸丰十年

正月	258
二月	264
三月	270
闰三月	299
四月	312
五月	321
六月	328

七月	339
八月	348
九月	354
十月	358
十一月	369
十二月	372

咸丰十一年

正月	380
二月	387
三月	393
四月	398
五月	409
六月	412
七月	416
八月	436
九月	449
十月	465
十一月	474
十二月	486

同治元年

正月	501
二月	508
三月	516
四月	519

五月	531
六月	539
七月	543
八月	547
闰八月	555
九月	560
十月	565
十一月	570
十二月	574

同治二年

正月	578
二月	581
三月	585
四月	588
五月	592
六月	600
七月	604
八月	612
九月	618
十月	622
十一月	625
十二月	630

咸丰五年 乙卯

九月^①

初二日。未刻上船，是夕泊鸪子崖。

初三日。午刻至湘潭存恒源大钱一十二千文。

初四日。召见黄定发演试刀法。刀重十四斤，长四尺五寸。回环使运，观者如堵。黄年二十五，貌仅中人，向依赖氏钢行习治钢事。二月中，忽有语以刀法者，其事甚怪。召询之，亦不悉言其详。麓溪谋资遣赴营，未知何如也。

初五日。雇夫五名启行，每名钱八百，当付钱三千。存潭局钱四千约找夫价外，尚存潭局钱三千。已拨付醴陵局□千。带路费现钱四千七百。三十里，过马家渡。又三十里，宿朱洲。自湘潭县城过河行十里，即入小路，仄径环曲，路滑难行。朱洲以西，则皆通衢大道矣江西货物小车，多集于此，以朱洲可以附船赴湘潭也。

初六日。十里，饭五里墩。又五里，至北关，于是四度过此矣。往时风景，历历在目。又十五里，至簪头铺，为潭、醴分界处。又十里，饭稍江铺，村店幽敞，类熟游者。又二十里，宿板桥铺。两日共用去钱一千文。

初七日。三十里，至醴陵。

①原阙月份，此据本月日记内容考定。

初八日。雨。小驻一日衙左隆昌店王姓。

初九日。行三十里，至插岭关。又二十里，长冲关，土人呼为老关过老关，彭店。又五里，过黄花渡。又五里，宿湘东。雇夫五名至袁州每名一千一百文，当共付钱二千五百文，拨兑入漕〔醴〕局钱三千文。

初十日。三十里，至萍乡中为蒲萄岭，早尖。百货云集，几成一会。五十里，至泸溪，沿途车载肩负者络绎于道。八里，至快和店，天渐晚，遇韩姓、刘姓相争，未宿。又二里，宿新店铺。

十一日。七里，朱亭山。又八里，仙峰，早尖仙峰亦巨镇。又十五里，分界铺，萍、宜分界之地也。又二十七里，枫树坳，王姓店午尖。又廿三里，袁州，住聚贤馆府署前过。五日共用去钱二千文。黄汉京属题画蝶：姹紫嫣红也可怜，落花深处舞翩跹。此中亦有罗浮茧，莫认风流斗少年。

十二日。未刻上船。换银五两九钱五分，扣九七钱一十三串五百六十六文。找夫价钱三千，酒钱二百，开饭钱并菜钱一切共四百。当付船钱八千至省共船价十千五百，神福钱五百，存用钱三千九百文。

十三日。一百十里，至分宜县。又百里，至新喻。

十四日。六十里，至罗坊有水北司。三十里，至黄土罗坊、黄土，陆路并须经过。六十里，至临江府。二十里，内河口始入章江。十里，至樟树镇。六十里，至丰城。

十五日。二十里，小江口。十里，大江口。三十里，至市汊，因风大，泊船竟日有市汊司。

十六日。六十里，抵南昌。^①

①以下咸丰五年九月十七日至十月二十五日日记阙。

十月

廿六日。自屏风开船，卅里至南康。

廿七日。六十里，至朱矶。

廿八日。卅里，吴城。又四十里，鸭公嘴。

廿九日。五十里，鸦洲。又卅里，樵舍。又廿里，至黄家渡。

十一月

十一月初一日。抵省。

十一月廿日。上船。

廿五日。开行。

廿九日。抵南康雪子塘。

十二月

十二月初五日。转由雪子塘开行，泊南康。

初六日。王鲁斋留午饭，未行。

初七日。九十里，抵吴城。

初八日。辰刻，陈秋翁亦至吴城，同留沈幼翁处早饭。各处留谈竟日。

初九日。六十里，宿昌邑幼丹随员蔡芥舟明府查私盐同时驻此。

初十日。六十里，宿王家渡。王家渡者，与省河分路，其水东流而下，由滁汊出瑞洪者也。市肆约百馀家，粮食行居其半，民居颇多，尚属丰腴之地。

十一日。十五里，抵滁汉。自王家渡至此，乃小河之横出者，仍与瑞洪之省河会。滁汉上约五里，处处搁浅。滁汉市肆倍于王家渡，民居鳞列，皆高墙峻壁，此路想多殷实。湾泊片时，又三十里，宿鱼坊。草棚数十家，泊岸鱼划数百只，沿河观者如堵。询知次日开湖，尚有官划二只，征收渔税。环岸观者皆渔户也。

十二日。四十里，至四汊河口，省河顺流至此，北折入饶河。直东入广信河口，乃系上水。其南为抚州河，即武阳渡。三水并汇入饶河，即鄱阳湖地也。北望康山如小阜，水落后沙屿并出，视内河江路稍宽而已。询之舟人，地名牛头山。然左近无一山，恐不足据。又二十里，泊瑞虹。瑞虹地属馀干，亦沿湖一巨镇也。馀干县丞驻此。

十三日。以龚孝拱、赵惠甫两君相遇瑞虹市上，弢公为留竟日。而扬州王杉原^{德寿}，开典肆瑞虹者送菜二器，面食二种，亦留谈半日。是日雨。孝拱出示所著《明堂图考》，以夏太室、殷重屋、周明堂并为之图说。规制略相仿，而周明堂居丰镐之间，始通丰镐之水环之，外为周垣，四方各有门^{南库门、北雉门、东应门、西皋门}，而灵台即库门之上平台。虽其规制未尽足据，而所论颇能见其会通。其论明堂为出政之地，用以视学，则为辟雍；用以习射，则为射宫；用以宗祀文王，则为清庙；用以养老，则为东胶^{胶即郊之转音}。亦颇有据证。

十四日。六十里，至坝口，有市肆。三十里，泊龙井，去馀干县城十五里。

十五日。三十里，至大水铺，有市肆。又卅里，至黄金铺，有司官。江中有沙洲，水涨时左右并可通舟，正河从右旁折落，略远一二里也。市肆约二里许，颇繁盛，地属馀干，去县六十里。又十里，宿泥港。舟人云：景德镇窑亦取泥于此，故云泥港。

十六日。廿里，至安仁县。城西有小河，可通舟名南溪套。对江南岸为白塔河，径达抚州之泸溪，中道龙虎山，去安仁九十里。又十里，至石港，上有盐卡官屋数所，无市肆。武进庄金墀钺奉委查卡。丙午幕游广信，庄时为广信经历。十年旧识，邂逅江上，为留谈一时许。过卡约一二里，有石港书院，丛木掩映，屋宇参差。濒江石矶，建亭其上，颇有尘外幽致。又五里，宿石板滩下。

十七日。廿五里，至鹰潭有司官，江南岸。市肆百馀，两石矶环抱其外，江干不见也。沿江石矶如磨，凡四五相衔而下，亦一奇景。大路通抚州百五十里，通建昌百八十里。又廿里，宿冷水滩上，地多渔户，鸣榔之声终夜不绝。

十八日。雨。行廿里，至贵溪，即泊城下贵溪砌山为城，若所谓踞者。城楼与街道平，城门内铲土甃石基陟上。城河驾舟为桥，而于水深处门焉，司其启闭，以通舟楫。县河南北各有小水，北岸名箬溪，南岸名须溪，皆在下游十里内，去龙虎山四十里。弢甫出示其感怀诗十馀首，皆其乡先达也，略录其名于后：李申耆名兆洛，乙丑翰林，改官风台令，丁父艰归，不复出，掌教暨阳书院。先生于学无所不窥，历律、象数、舆地之学，并为一时之冠。然述而不作，无所撰论。门弟子录其遗文，为养一诗文集。邹润庵名澍，工医，精习内典，未尝为科举之学。死之日，忽命家人属以后事，即瞑目而逝。赵厚子名仁基，丙戌进士，官江西赣南道。管孝逸名绳莱，官含山知县。洪幼怀名符孙，北江先生之第三子。魏曾容名襄，乙丑进士，官太仆寺卿，工医。姚道兴名华国，庚子副榜。杨怀杞名传荣，官容城知县。方仲渠名骏谌，诸生。凌槐堂名企曾，吴县人，乾隆癸丑进士，改官宁国教授，经学深厚。将辞官，自撰楹帖云：不失义，不离道，可以器器矣；无官守，无言责，岂不绰绰然。沈沧洲名端，嘉庆庚申举人，宁国训导，工诗。钱颖季名以让，丹徒人，工诗。孙叔猷名劼，诸生，工医。王季旭名曦，太仓人，诸生，工诗，与孙君并为张翰风先生之婿。又出示包慎伯、梅伯言两君所著其尊人《伯恬先生家传》讳仪晞〔晞〕，官山阳

知县，言其少时，与李申耆诸君为草堂之会，世称草堂诸子。草堂者，江阴祝筱珊先生读书处也。同会者为张皋文惠言，己未翰林，所著为《茗柯集》。张翰风琦，皋闻〔文〕先生之弟，戊辰举人，所著为《宛陵全书》十六种。祝子常百十，所著为《草堂诗存》，江阴人，其弟瘦峰，名百五，有诗钞。陆祁孙继铭，庚申举人，所著为《崇百药斋全书》。陆绍闻耀遯，官阜宁教谕，所著为《双白燕堂诗文集》。庄卿珊绶甲，诸生，治经学，有集。刘申受逢禄，戊辰进士，官礼部主事，所著为《刘礼部集》、《公羊释例》。洪孟慈怡孙，官东湖知县，有诗集。丁若士履恒，官潍城知县，有诗集。与李申耆先生并治经，有节行。乾嘉之际，士皆尚文章，驰骛声利。于时常州尤独多文士，而草堂诸君子独以立身砥行相为磨切，风尚为之一变。南丰曾宾谷燠，官淮扬运司《赠伯恬先生》诗云：人不远青山，青山自远人。其高尚可知。所著为《夫椒山馆诗集》。又出示锡厚庵所致各书，语言温实，读书有根柢，留心时务，皆能证以古今得失。其《怀人》诗五首：其一为弢甫，一为大冶杨淡人盛朝，一为钱圻陈卓庐塘，一为侯官杨翠岩维屏，一为铜山孙心仿运锦，谓此四君并与弢公相掇〔埒〕。弢公岂易及哉，或论之过耳。常州言与卿启方，官邳州教谕著有《胶莱河运图说》二十二卷。弢公甲寅除夕有诗，自是凡三叠韵，沈博雄丽，殆罕伦比。顷复叠韵见示，谨答四首：有涯生本寄无涯，驻辔停桡着处家。旧苑尘飞金碗缺，荒坟草没玉钩斜^①。城栖鸂鶒霾寒雨，江拥鼉鼉走怒沙。昨岁都梁山下路，惯输尘屐踏冰华。 枵触梁鸿五噫歌，出关东去走朝那。狂歌市隐沦箫筑，去国^②湘累黯薜萝。著论岂忧^③盐铁乏^④，乞邻虚挹酒浆多。

①此处旁注又作“间道希传烽历落，浅滩浮度石倾斜”。

②此处旁注又作“沈愤”。

③此处旁注又作“谁无”。

④此处旁注又作“尽”。

诸君莫漫纾愁眼，多少^①残城咽海螺。锁铁楼船缆石牢，吴歆化作楚人骚。髑髅吹浪淘沙铍，鲛鳄乘潮狎海刀。龙井晓晴兵气薄，鹰潭夜月酒楼高。尺书又促寒江梦，梦倚军旗压汉皋。罗山方伯驻师武昌，数蒙枉召。毗陵江势绕^②寒山，抵掌尘埃共世艰。交合丹青一言善，谈深睥睨万夫孱。较量木雁行藏拙，指点芦鸥去住闲。明岁悠悠今岁尽，可无杯酒破愁颜。

十九日。四十五里，至桃花滩。江间沙洲甚巨，湾抱向上。水涨时，北岸亦可通舟。南岸山如连珠，次第奔驻江边，远望一山如方冠，旁连一方卓立如笏。舟人云此名蜡烛山，盖山右石笋林立，如攒烛也。以形家言验之，此内当有一地。又五里，苏华港，略有市肆。又廿里，叶家坝，有市肆。又十里，宿霸王滩下。是日雨，西风，故行程至八十里。沿途水浅滩多，又多值东风，舟行甚濡滞也。弢公言：景教起于唐时本丙教，唐避祖讳为景，即今之天主教，佛经谓之婆罗门。太宗通西域，景教流入中国，郡邑多建大秦寺，所谓袄庙也《说文》，袄，胡神，呼烟切。耶稣耶字，即袄之转音。西安府圣教寺有景教流行碑，所称判十字、定四方，不过取上下左右通达无碍之意。元世祖时，西人马加入仕中国，至同平章事。后逃回本土，剽窃宋儒之绪馀，始以辟佛为事其始与佛同原，创立耶稣、十字架等名目，其教大行，各国翕然从之。明宣德时，西人有路得者，复辟天主教礼拜耶稣像及十字架之谬，专以事天为主，别名为耶稣教，而后天主、耶稣复分为二弥利坚、英吉利用耶稣教，其馀两教杂用。其实回回之天方教，亦同出一原。所传之书皆纰缪，无足观览。

①此处旁注又作“无数”。

②此处旁注又作“鼓角落”。